

Image not found

<https://lirica-medievale.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERTRAN DE BORN > EDIZIONE > Ges no mi desconort > Tradizione manoscritta > Canzoniere M > Edizione diplomatica

Edizione diplomatica

c.230r	
--------	--

image not found

https://letteraturaeuropea.let.uniroma1.it/?q=sites/default/files/styles/330_px/public/230r%201%20def.png&itok=xtjHnZEX

S(ire). b(er)tran delbort.


GEs non mi desconort.

sieu ai perdut. qe no(n)
chant e deport. e non
maiut. con cobres autefort. cui
ai rendut. alseinhor de niort.
qar lauolgut. e qar enmerce
ian. lensui uengutz denan. el
coms enperdonan. ma reten
gut baizan. ieu noi cuit auer
dan. q(e) qen dieisses antan. ni
lausengier nonblan.

Sjl coms mes auinenz. e no me(s)
cars. mut liserai ualentz. en
sos afars. e fis confins argens.
amics eclars. el coms segalos
senz. qe sec limars. qe so q(e)lles
de pro. uol ben qab lieis se sto.
e so qi noilles bo. geta foralsa
blo. qaissistainh debo. q(e) fas
sa son perdo. e si toll q(e) pueis do.

VAs mi son periurat. dui palazi.
e tut liuescontat. de lemozi. e
litrei peire fat. peiragorçi. e li


image not found
https://letteraturaeuropea.let.uniroma1.it/?q=sites/default/files/styles/330_px/public/230r%201.png&itok=q20DdyWe



dui penchenat, engolmezi. en
sentolls den gasto. e tut llau
tre gasco. en raymons dauinho.
el seinhers de diio. ab lo comte
breto. miferon fermazo. ez a(n)c
uns nom tenc pro.

SEs pro tener amic. tenc per
aital. con fas mon enemic. qe
nom fa mal. mi iureron mant
ric. sus un missal . en un moster
antic . de san maissal. tals mi
pleuic safe . non feses plag ses
<fe>me . qanc uns nomen tenc
re . nili souenc de me . nill me(n)
bret masde se . qant simes en
merce . e non estet ges be.

Al comte uueilh pregar. de ma
maïço. qelamiman gardar. e
qe lam do. qades mison auar.
aqist baro. qablur no(n) puesc
durar. ses contenso. hueimais
mi po cobrar. le coms ses mal
estar. e ieu ablui tornar. e ser
uir e onrar. e non ocuidei far.
tro al dezamparar. sui uengutz
de naimar.

	MA bella esmendas gar. hueimai(s) de sordeiar. qe ia permeilurar. non la cal trebailhar. qel mon non sai sapor. de ioi ni de parllar. ni debell donneiar. Donna ab cor auar. de prome tre de dar. donassesmun baissar. e so uoliasfar. poiriammi refar. e ma perdaesmendar. si dombres dieus mi gar.
--	--

- letto 297 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-3057>